

續修四庫全書



《續修四庫全書》編纂委員會編

續修四庫全書

上海古籍出版社

八二九・史部・政書類

登科記考三十卷

〔清〕徐松撰

一

制義科瑣記四卷

〔清〕李調元撰

五二三

欽定科場條例六十卷首一卷（卷首至卷十一）

〔清〕杜受田等修 英 渥等纂

六六三

登科記考

〔清〕徐松撰

據上海辭書出版社圖書館藏清光緒十四年刻南菁書院叢書本影印原書版框高一七七毫米寬二五〇毫米

南菁書院叢書

一集第一種

登科記考

登科記考

禮部鑄印局員外郎大興徐松撰

敘曰州歲貢士制昉神明蓋魏晉以還相矜族望江左猶不失門材北朝則祇重門蔭世胄在高位上品無寒門窮則變變則通其不得不出於科目者亦時勢然也夫國有與立惟在得賢人匪生知誰能廢學造士進士賢以論辨而升小成大成學由考校乃見則江都三策建初四科雖南院之濫觴實西周之舊軌矣李唐承隋法制大備冬集之例旁課律書春關以來兼試宏拔其設條流也不務苛細其展公道也在振孤寒卷軸可溫行止無駁扣簾得

登科記考

敘

一

請通榜非私莫不櫻筍含芳芙蓉表豔重龍門之聲價寫雁塔之姓名又若待非常之才列制舉之日期之以伊呂責之以霸王或才綜八能或名成一藝束帛之貢相望邱園弓旌之招無間屠釣山陬海澨命使遐蒐諸子百家獻書授職何其牢籠羣有囊括九流如此哉是以倭入四門經聯千佛銀袍鶴化世筆鸞飄武翊黃之三頭張文成之萬選常雞鮑帖羅甲袁朋波屬雲興祭乎貢部極之汪遵以吏擢蘇渙以盜取高智周以沙門升吉中孚以道士進而賈賈得人新羅有金可記高麗有崔致遠大食有李彥昇無流品之別無華夷之限衡校古今得士之盛於斯為最英雄入彀

登科記考

敘

二

殆非虛語年紀遐遠舊錄散亡史志會要文或踏駁不揣樛昧綴而緝之有志復古者尙其鑒諸道光十八年孟夏之月徐松述

登科記敘

選士命官有國之大典察言考行先王之舊規古者命於鄉而升於學俾大樂正論造士之秀者而升諸司馬曰進士進士者謂可進而授之爵祿也然則前一作歷代選士其科不一洎聖唐高祖以神武靜天下用文教貞萬姓武德五年詔有司特以進士爲選士之目仍古道也自鄉升縣縣升州州升府皆歷試行藝秋會貢於文昌咸達一作進帝廷以光王國然後會羣后謁先師備牲牢奏金石尊儒教也若明試其業主張其文覈能否於聽覽之間定取舍於筆削之下職在考功耶後至元宗開元二十五年重難其事更

登科記考

趙敘

命春官小宗伯主之而業文志學之士知勸矣於是獻藝輸能擅場中的者榜第揭出萬人觀之未浹旬而名達四方矣近者佐使外藩司言中禁彈一作裁冠憲府起草粉闥由此與能十恆七八至於能登台階參密命者亦繁有徒所謂選才授爵之高科求士濫觴之捷徑也不其然歟粵自武德至平貞元閱崔氏本記前後嗣續者在我公爲多焉願惟寡昧獲與斯文因濡翰而爲之序貞元十七年三月丁亥校書郎趙修述文苑英華載此序題作李奕登科記下言李奕誤也今不取王海又引姚康科第錄有長慶二年五月十二日敕曰自武德已來登科名氏編記凡十餘家皆不備具康錄武德至長慶二年列爲十三卷漢元帝詔云歲以此科第郎從官選題爲科第錄

登科記考

凡例

一唐人撰登科記不下十餘家見於新書藝文志者惟三家而已曰崔氏顯慶登科記五一作姚姚康科第錄十六卷李奕唐登科記二卷崔氏書自武德建貞元玉海引中興書目云崔氏登科記一卷是其時已有殘闕後有續之者迄周顯德見書錄解題姚康字汝諧南仲孫也其書自武德至長慶二年十卷續之者自長慶三年畢天祐丙寅爲五卷洪興祖作韓昌黎年譜尙引之書錄解題云洪忠宣僅得其書五卷可見

登科記考

凡例

亦非全帙李奕官兵部郎中金吾將軍其書宋時已不存最後有大中十年鄭顥所進諸家科目記十三卷自武德至大中敕付翰林每歲編次見於唐會要而藝文志不載蓋亦久佚也至趙宋時樂史有修定登科錄四十卷作崇文總目時已亡樂史又有雍熙三年正月所上登科記三十三卷郡齋讀書志作三十卷起唐武德訖天祐末紹興三十年十月洪适又重編唐登科記爲十五卷書錄解題云洪忠宣得姚康書五卷於北方丞相适又得別本起武德終大和於毗陵錢仲氏乃合崔氏之書凡三本緝爲一書天寶前姚書爲正天

寶後則三本合爲一晁氏書有樂無洪陳氏書有洪無樂通考始兼收之自茲以後惟見於世善堂書目及玉芝堂談薈今所編輯百不存一海內藏書家儻有流傳秘笈矜而教之使唐賢姓名重光天壤亦藝林之幸也

一宋人著述每引登科記而不言某氏本其總目載馬端臨通考進士之外統曰諸科按讀書志云樂史登科記記進士及諸科登名者是通考用樂史本也今據以爲目編於各年之下諸書所引亦以附焉

一圖經家乘例載科目而近世府廳州縣志襲謬承訛動遭指

登科記考

凡例

二

摘如獨孤及於天寶十三載洞曉元經科擢第而河南府志誤作天寶十五年第且不言是制科韓昶於長慶四年登第在韓湘後一年而山陽續志誤作湘與昶同是長慶三年登第畢誠大和六年登第楊乘大中元年登第而蘇州府志誤以畢誠在大和二年楊乘在大中六年至譜牒之詳宜推聖胄然闕里文獻考所載元和五年狀元孔敏行咸通四年狀元孔振中和三年狀元孔拯考之傳記往往牴牾又如宿遷胡氏譜云胡誠唐天祐進士萬載辛氏譜云辛開仕梁開平二年進士亦不知所據顏師古漢書注云私譜之文出於閭

巷家自爲說事非經典苟引先賢妄相假託今同斯例概就刊落惟見於永樂大典所引者皆宋元舊笈事有可徵盡行采錄

一唐之秀才科罷於永徽孝廉科停於建中中葉以還則以秀才爲進士之稱孝廉爲明經之號凡斯之類不可以文害意至其應舉之法通典史志皆言之未詳大抵第明經者仍得舉進士牛蔚王凝是也第進士者亦得舉明經蔡京許孟容是也惟進士得第則止明經有再試之法昌黎贈張童子序云童子一舉而進立於二百人之列又二年益通二經繇是

登科記考

凡例

三

拜衛兵曹之命是也若宏詞拔萃兩科登宏詞者得試拔萃得拔萃者得試宏詞且得再舉張巡以書判拔萃入等蕭昕兩舉宏詞是也制科尤有一人連中數科者員半千陸元方崔融陽嶠連中八科張鷟連中七科裴守真連中六科李懷遠孫逖連中四科一代之制不可不知

一唐主司自改制後以禮部侍郎任者曰知貢舉他官任者曰權知貢舉皆於上年之秋冬簡任次年正月入闈第傳記所載或稱簡任之年或稱主試之年故每致參差今以主試之年爲定凡有事實類敘知舉之下其應舉者鄉貢進士例於

十月二十五日集戶部生徒亦以十月送尚書省據溫庭筠勝爲十月
六正月乃就禮部試三場先雜文次帖經次答策每一場
已卽勝去留通於二月放榜四月送吏部然閭閻濟美之試東
都則在十一月十二月卽爲有省試夏日可畏詩敬括有省
試七月流火詩或東都試與西都異抑有事改期也明經亦
試三場先帖文次口試次答策三道其試期史無明文河東
記載章丹舉五經元長史言於明年五月及第疑試明經在
進士放榜後

一玉海引中興書目云崔氏登科記一卷載進士諸科姓名是

登科記考

凡例

四

諸科之名始於崔氏樂史沿而不改所謂諸科者謂明法明
字明算史科道舉開元禮童子也明經不在此數何以明之
明經每歲及第將二百人其數倍蓰於進士而登科記總目
所載諸科人數皆少於進士玉海云登科記顯載進士續之
者自元和方列制科言進士制科對明經爲義也韓文五自
家注每詳科目惟牛堪明經及第注文一無徵引知明經爲
記所無矣今之編輯則資詳贍故於其年明經可考者特書
以補之凡五經二經三經學究一經三禮三傳入明經科明
法以下可考者入諸科

一舉進士而未第者曰進士曰舉進士得第者曰進士第曰前
進士新舊唐書於初唐人傳多但言舉進士而不言第卽中
葉詳載某年登第亦有未可盡據者如程首範於元和時登
第舊書李紳傳言長慶時事仍曰進士程首範李景素登第
舊書李蔚傳但言景素大和中進士崔叡登第新書李德裕
傳但言叡舉進士至於雜家小說或言進士或言舉進士人
既未詳時亦莫考粉耘參錯載筆殊難又或進士明經紀載
互異如竇易直史謂舉明經因話錄作舉進士元德秀史謂
舉進士獨異志作舉明經杜景儉史謂舉明經御史臺記作

登科記考

凡例

五

舉進士今於有可考者按年編次折衷求是其確知爲得第
而年不可考者萃爲一篇目爲附考系於卷末
一登科記有上書拜官上書及第考封氏聞見錄云常舉外有
進獻文章並上著述之輩或付本司或付中書考試亦同制
舉雲麓漫鈔亦云上書者中書試同進士及第權載之集有
元和元年吏部試上書人策問三道是與制舉對策無異惟
自武德至顯慶記不乏書至開元四年以後全闕今採傳記
所載因上書而拜官實有年歲可考者依其年增入至又有
所謂召拜官者蓋如趙贊之薦處士袁滋元宗召拜校書郎

韋夏卿薦處士竇羣德宗召拜拾遺之類不在此例

一唐季科第之弊人主至以進士市恩如劉鄴韋保乂皆賜進士及第論其非由場屋自不應濫入千佛名經惟唐書韋保乂傳直言進士登第與文戰者絕無區別且薛史記天成賜趙贊及第詔明言附其年春勝既附其榜去之則於人數不符況上書拜官尙入科目則同出特恩自宜一例載入

一鄉貢進士由刺史送者爲州試由京兆河南太原鳳翔成都江陵諸府送者爲府試皆差當府常州參軍或屬縣主簿與尉爲試官然喬彝之試幽蘭試官則有二人令狐之鎮三峰

登科記考

凡例

六

秋賦加置五場白居易之在錢塘又自爲試官是其時初無定制至應宏詞及制舉亦或由州府試歐陽詹有懷州應宏詞試片言折獄論見文苑英華郁渾應百篇舉壽州刺史李紳命百題試之見於新書藝文志是可類推也今錄其關省試者府州試故從略

一困學紀聞云唐制舉之名多至八十有六凡七十六科玉海亦言自志烈秋霜而下凡五十九科自顯慶三年至大和二年及第者二百七十人今以舊唐書唐會要冊府元龜文苑英華雲麓漫鈔諸書參考之其設科之名已無慮百數又如

登科記考

凡例

七

名不可考者則依登科記初唐之例標曰應制及第

一玉海載樂史有唐登科文選五十卷文苑英華載唐人賦策每引登科記注其異同是登科記載試文之證今據文苑英華及本集所載或因人以考其文或因文以知其人各依其年載之先進士大制科宏詞拔萃又次之進士始惟試策垂拱以前載策爲多後以雜文爲第一場故又專錄賦詩焉

一唐人試賦限韻自王邱始其試詩則注曰題中用韻限若干字成或曰以某字爲韻若干字成今於有可考者附載於詩賦題下唐人試策皆寫題於試卷今則列問於前數人同試

者不重錄

一宏詞試文三篇拔萃試判三條是吏部選人之法原無關於禮閣惟冊府元龜唐會要宏詞拔萃皆與制科類序文苑英華詩賦門宏詞與省試同載其典同度管判常非月名下注引登科記月作自是登科記載宏詞拔萃之證今亦按年序入以備一代之制

一登科記舊係按年編次故仍用編年之體載諸帝之徽號列武后之建元用通鑑例也其朝廷大事如封禪之典播遷之變有關貢舉者據新舊書本紀及通鑑載之

登科記考

凡例

八

一唐會要貢舉門有論經義一類載經疏緣起以至五經文字九經字樣皆因明經而類及之也今因貢舉謁先師故及褒崇先聖因設明法科故及改定律令至冊府元龜貢舉門於條制考試之外又立清正謬濫諸目既用編年悉所不取又有事關貢舉而無年月可稽者於編年之例未符亦所不錄一登科記之外尚有諱行錄文場盛事諸書玉海引中興書目云諱行錄一卷以四聲編進士族系名字行第官秩及父祖之諱主司名氏文場盛事一卷載唐人世取科第及父子兄弟門生座主同時者今用其意於登科人族系宦秩瑣事遺

文皆載之據言又有元和元年登科記事載等第謂之神州

等第錄茲於據言所載等第事亦按年附於進士之下

一玉海引中興書目通考引書錄解題皆有五代登科記一卷起梁開平二年至周顯德六年記姓名及試題茲亦編敘五代別爲二卷至十國之蜀漢南唐皆置貢舉契丹亦禮部試士其時如張昭遠之第於漢當同光之四年伍喬之第於南唐當乾祐之元年宋琪之第於契丹當天福之六年雖與五代同時而閭位偏安事非畫一且非原書之例故從蓋闕一正史裨官及唐人藝文言涉貢舉皆關考證茲於卷末另釐

登科記考

凡例

九

爲別錄三卷仍以類相次

登科記考

目錄

第一卷

起高祖武德元年

盡太宗貞觀二十三年

第二卷

起高宗永徽元年

盡永淳二年

第三卷

登科記考

目錄

起則天光宅元年

盡長壽三年

第四卷

起則天證聖元年

盡中宗景龍四年

第五卷

起睿宗景雲二年

盡元宗開元六年

第六卷

元宗開元七年

第七卷

起元宗開元八年

盡開元二十年

第八卷

起元宗開元二十一年

盡開元二十九年

第九卷

起元宗天寶元年

登科記考

目錄

盡天寶十五載

第十卷

起肅宗至德二載

盡代宗大曆九年

第十一卷

起代宗大曆十年

盡德宗興元元年

第十二卷

起德宗貞元元年

盡貞元七年

第十三卷

起德宗貞元八年

盡貞元十年

第十四卷

起德宗貞元十一年

盡貞元十六年

第十五卷

起德宗貞元十七年

登科記考

目錄

盡順宗永貞元年

第十六卷

起憲宗元和元年

第十七卷

起憲宗元和二年

盡元和四年

第十八卷

起憲宗元和五年

盡元和十五年

三

第十九卷

起穆宗長慶元年

盡長慶四年

第二十卷

起敬宗寶曆元年

盡文宗大和三年

第二十一卷

起文宗大和四年

盡開成五年

登科記考

目錄

第二十二卷

起武宗會昌元年

盡懿宗咸通元年

第二十三卷

起懿宗咸通二年

盡僖宗文德元年

第二十四卷

起昭宗龍紀元年

盡昭宣帝天祐四年

四

第二十五卷

起梁太祖開平元年

盡唐廢帝清泰二年

第二十六卷

起晉高祖天福元年

盡周世宗顯德六年

第二十七卷

附考

第二十八卷

登科記考

目錄

五

別錄上

第二十九卷

別錄中

第三十卷

別錄下

登科記考卷一

大興徐松

唐高祖神堯大聖光孝皇帝

武德元年

戊寅

五月甲子高祖卽皇帝位於太極殿大赦天下改隋義甯二年爲

唐武德元年

舊唐書本紀

壬申命裴寂劉文靜等修定律令置國子太學四門生合三百餘

員郡縣學亦各置生員

通鑑按新書選舉志國子學生三百人太學生五百人四門學生千三百人此言合三百餘員者志所載後來增益之數也志又云自高祖初入長安開大丞相府下令置生員自京師至於州縣皆有數是以爲卽

位以前事

登科記考

卷一

一

十一月四日詔皇族子孫及功臣子弟於祕書外省別立小學

要

上書拜官一人

二年

己卯

六月戊戌

按會要戊戌爲朔日

詔曰盛德必祀義存方策達人命世流慶後

昆建國君臨宏風闡教崇賢章善莫尙於茲自八卦初陳九疇攸

敘徵章既革節文不備爰始姬旦主翊周邦創設禮經大明天憲

啟生民之耳目窮法度之本原起化二南業隆八百豐功茂德獨

冠終古暨乎王道既衰頌聲不作諸侯力爭禮樂陵遲尊若宣尼

天姿教哲經週齊魯之際揖讓洙泗之間綜理遺文宏宣舊制四
科之教歷代不刊三千之徒風流無歇惟茲二聖道著生民宗祀
不修孰明衷尚朕君臨區宇興化崇儒永言先達情深紹嗣宜令
有司於國子學立周公孔子廟各一所四時致祭仍博求其後具
以名聞詳考所宜當加爵土舊書本紀
冊府元龜

不貢舉

三年庚辰

不貢舉

四年辛巳

登科記考

卷一

二

正月於門下省置修文館唐會要 按此為
西內之門下省

四月十一日一作敕諸州學生及白丁有明經及秀才俊士進士

明於理體為鄉曲所稱者委本縣考試州長重覆取上等人每年

十月隨物入貢據言 按隋書楊帝置進士科通鑑武德元年有
明經劉蘭成胡三省注曰劉蘭成蓋隋應明經科

因稱之其時唐未貢舉是隋亦有明經矣故新選舉志云唐取士
之科多因隋舊也志又云每歲仲冬州縣館監舉其成者送之尚

書省與據言
言十月者異

五月乙丑以寶建德平赦山東詔曰奇才異行隨事旌擢冊府元
唐

大詔
令集

七月丁卯以王世充平大赦天下詔曰奇才異行隨事旌擢冊府元
唐

唐大詔令集
不貢舉是年下詔而舉人至明年始集故曰不貢舉永樂大典載
衡水縣圖經志云蓋文達字藝成冀州衡水縣人武德四
年以經明行修徵為國子博士按冀
州為寶建德地此或因赦詔而舉之

五年壬午

三月詔曰擇善任能救民之要術推賢進士奉上之良規自古哲

王宏風闡教設官分職惟才是與然而巖穴幽居草萊僻陋被褐

懷珠無因自達實貢選眾之舉固藉左右之容義在搜揚埋宜精

擢一作確 是以貢士有適爰致加錫之隆無益於時必貽貶黜之咎

末葉澆偽名實相乖取非其人濫居班秩流品所以未穆庶職於

登科記考

卷一

三

是贖廢朕膺圖御宇甯濟兆民思得賢能用清治本招選之道宜

革前弊懲勸之方式加恆典苟有才藝所貴適時潔己登朝無嫌

自進宜令京官五品以上及諸州總管刺史各舉一人其有志行

可錄才用未申亦聽自舉具陳藝能當加顯擢授以不次賞罰之

科並依別格所司頒下詳加搜引務在獎納稱朕意焉冊府元龜
唐大詔

令集 按此
為制舉之始

十月諸州共貢明經一百四十三人秀才六人俊士三十九人進

士三十人據
言

十一月引見敕付尚書省考試據
言

十二月吏部奏付考功員外郎申世甫考試秀才一人俊士十四人所試並通敕放選與理人官其下第人各賜絹五疋充歸糧各勤修業

秀才一人

進士四人撫言作進士十四人登科記作進士四人按玉海引趙修登科記序曰武德五年詔有司特以進士為選士之目是此年有進士撫言作俊士孫伏伽王芝堂談舊載唐末以誤四人與十四人未知孰是來狀元姓名始於唐高祖武德元年孫伏伽是孫伏伽為唐第一科狀元惟唐貞事始於武德五年言元年者誤又按舊書伏伽於武德元年上書已授治書侍御史五年免官尋起為刑部郎中豈免李義琛李義琰李上德撫言武德五年李義琛與弟義琰從弟上德三人同舉進士義琛等隴西人世居鄴城國初草創未定家

登科記考

卷一

四

素貧乏與上德同居事從姑定省如親焉隨計至潼關遇大雪逆旅不容有威陽商人見而憐之延與同寢處居數日雪霽而去琛等議鬻驢以一醉酬之商人竊知不辭而去復先贈以稻糧琛後辛咸陽召商人與之抗禮義琛位至刑部侍郎雍州長史義琛相高宗皇帝上德司門郎中舊書李義琰傳義琰魏州樂昌人父元德義琰少舉進士新書云義琰從祖弟義琛擢進士第按義琰之父名元德則上德似非義琰從弟

知貢舉

申世甫

見上按通典云武德舊制以考功郎中監試貢舉此以員外郎者定制之初不必盡也

六年

癸未

進士四人

七年

甲申

二月己酉詔曰六經茂典百王仰則四學崇教千載垂範是以西

登科記考

卷一

五

具名狀申送入京量其差品並即配學明設考課各使勵精琢玉成器庶其非遠州縣及鄉里各令置學官俶牧宰或不存意普更頒下早遣修立夫安上治民莫善於禮出忠入孝自家刑國揖讓俯仰登降折旋皆有節文咸資端肅罔習末業隨時廢紀凡厥生民各宜勉勵冊府元龜唐大詔令集通鑑按是時秀才進士明經皆試策而已丁巳按會要為上幸國子監按監當釋奠詔諸王公子弟各就學以周公為先聖孔子配通鑑志新五月裴寂等奏上選定律令頒行天下舊書刑志七月詔曰自隋以來離亂永久雅道淪缺儒風莫扇朕膺期御宇